



Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Testimonium P. Ioannis Massucci Præfecti spiritus, & Collegio Rom. à
Confessionibus.

[urn:nbn:de:hbz:466:1-46083](#)

Collegio Romano à Confessionibus, & rerum sacrarum Præfecturâ, vir in paucis doctus, omniumque opinione exemplar quoddam spectatæ vitæ. Is in hanc sententiam scribit:

Obedientiæ sanctæ imperijs iussus ea scri- *Testimonium P. Ioannis Massucci Prefecti Collegio Rom. à Confessionibus.*
bere, quæ commemorarem de spectatissimis virtutibus sanctisque moribus optimi Fratris nostri Ioannis Berchmanni, quantò & è Dei spiritus, & gloria, & è bono nostro videbar obstrictior, etiam si non interrogatus de eo loqui, cuius conscientiæ arcana tractauit extremo vitæ anno ab ineunte Ianuario anni M. DC. XXI. usque ad Augusti diem, in quo, ut meritò credimus, è terris ad Superos commigravit. Per id tempus hebdomadatim semel aut saepius ad me ventitabat sui expiandi causâ: singulis verò mensibus minimum semel rationem reddebat conscientiæ suæ, ferè de scripto, quo breuissimè adnotata continebantur quæ habebat indicanda: neque umquam præscriptum huic rei diem aut horam, quâ erat confitendum, intermittebat, sed primus ferè eò accurrebat. Hac fretus cognitione, video securè testari posse,

Primò, nouisse me Iuuenem nullum, secundùm beatum Aloysium Gonzagam (quo cum vixi, egiique familiariter ultimo vitæ eius anno in Collegio Romano) vitâ specta-

D 5 bilio-

biliorem , conscientiâ puriorem , aut perfe-
ctione excellentiorem , hoc Ioanne nostro .

Secundò , fuisse illi propositum pro virtæ
religiosæ scopo , omni omnino virtute excel-
lere , omnem progressum quem posset , in stu-
dijs facere , non aliâ quâm maioris gloriæ
Dei & lucri animorum caussâ , atque ad re-
spondendum gratiæ & spiritui vocationis
nostræ .

Tertiò , vsum esse ad hunc finem suum af-
sequendum , Regularum nostrarum obser-
uatione , instar medij cuiusdam vniuersalis :
quâ in re absque omni importunâ scrupulo-
rum religione longè erat accuratissimus , vt
ne vnam quidem (quantumvis multæ ac va-
riæ Regulæ sint) deliberatè violarit : neque eo
solum tempore quo animum eius excolui ,
sed reliquo etiam quod in Religiosâ vitâ du-
xit : quinimò vniuersæ vitæ cursu non modò
non habuit peccati ullius mortalis conscienc-
tiam , sed nec venialis cuiusquam saltem vo-
luntate admissi ; quæ res refert sanè pluri-
num , cùm arguat seruatam ab eo mentis in-
tegritatem quam in Baptismo velut candi-
dam vestem iuduerat ; perfectionemque per-
petuam , quâ à principio ad extremum us-
que virtutum spatia decurrit ; quæ præroga-
tiua paucis , quamvis eximiè sanctis , est con-
cessa .

Quar-

Quarto, in seruandis tribus Religionis votis adeò circumspiciebat, vt nihil umquam cuius se h̄ic accularet, seu graue seu leue reperiret; speciatim verò castitatis tam rigidus fuit custos, vt credam eum nec motu ullo contrario, nec oblato per somnum phantas̄ spectro, umquam fuisse stimulatum, quantum quidem colligere possum, habitâ illius temporis ratione quo præfui conscientiæ eius dirigendæ, cum apertissimus illi simplicissimusque esset animus, index etiam minimarum rerum, qualem sibi semper fore libello scripto promittit: *Ego sincerissimus, apertissimus, & sicut aqua purissima cum Superioribus & Patre spirituali.* Neque mirum, ad tam excelsum puritatis gradum eum aspirasse, cum in tantâ vitæ innocentia diligenter sensus suos custodiret, constanti temperantiâ perpetuaque sui afflictione; neque mentem, nisi studijs forte distractam, ullâ aliâ quam Dei contemplatione, rerumque sanctarum negotijs impediret.

Quinto, è meditationibus quotidianis tantos cœpisse fructus, vt, æstimate intellec-
tus eius lumine, affectuumque feroce, qui-
bus ab aurorâ in vesperum ad vitæ religiosæ
obseruationem, perpetuamque virtutum ex-
ercitationem adnitebatur, ego semper existi-
mauerim fuisse eum perpetuâ gratiæ con-
stantiâ

stantiâ communictum; hoc est, adeò circum-
septum præsente auxilio opeque diuinâ, vt
integrum illi ferè non fuerit desinere penitus
cum virtute agere; quo in statu, donec è viuis
ad immortales transiret, perseuerauit.

Has, aliasque res quæ Historiæ huius de-
cursu narrabuntur, affirmat Pater Thomas
Massucci.

Inter cetera de Ioanne testimonia videtur
& illud non iniuriâ suum quoque locum vin-
dicare, quod de eo dixit illius in Philosophiæ
disciplinis tradendis Magister P. Franciscus
Piccolomini, cum quo familiariter suas diui-
narum rerum rationes eâ re communicare
solitum se Ioannes ipse mihi narravit, quod
videret illi Patri cordi esse, vt auditores sui
Religiosæ vitæ integritate florerent; illudque
studere, ne minus virtute pietateque profi-
cerent, quam studio rerum Philosophica-
rum. Hanc ob rem facultatem à Superiori-
bus impetrarat (quoties ad Magistri cubicu-
lum itabat) proponendi quæstiones, non so-
lùm de controversijs studiorum, verùm et-
iam de vsu cælestium rerum: quod ille magnâ
Patris delectatione faciebat, qui virtutum
eius exquisitam præstantiam admiratus, gau-
debat scilicet gratulabaturque tam sancto
discipulo, qui sibi ad pietatem esset incita-
mento, ceteris collegis exemplo. Ac primùm
qui-

quidem , cùm post eius mortem in triclinio ex altiore loco de virtutibus rebusque ab eo gestis ad nostros dixisset , deinde rogatu meo testimonium etiam litteris consignauit , quo strictim initio vniuersales quasdam , sed momenti magni , sententias præmittit ; deinde speciatim ad eius bonitatem ac virtutem descendendo , sic dixit : Cùm mandatum mihi *Testimoniu*
Magistri de
Ioanne.

sit auctoritate Maiorum , vt ea vniuersim in medium proferam , quorum de beatæ memoriæ Fratre nostro Ioanne meminisse , id verò lubens volensque facio , non tam vt testimonio meo certitudinem atque auctoritatem virtutibus eius conciliem , quām vt specimen aliquod præbeam summæ illius opinionis obseruationisque , quā semper erga eum fui , suspiciens in terris Iuuenem instar Angeli de cælo lapsi . Et quantum quidem ad animi interiora attinet , quoniam ille (seu demissionis aut instructionis suæ , seu pudoris mei causâ) eorum participem me esse voluit , illud ante omnia affirmo , triennio , quo Philosophiæ spatia confecit , quoque continenter mecum versatus , in cubiculum meum quotidie semel aut iterum familiariter ventabat , numquam vel publicè vel priuatim à me obseruatum in eo defectum ullum quām leuissimum , sed è contrario modestiam præcipuam , perpetuâ quadam vultus morumq; constan-